



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanae Societatis Iesv

More, Henry

Avdomari, 1660

Edwardi Oldcorni vitae ratio & exitus. num. 36.

urn:nbn:de:hbz:466:1-38320

1606. Si quos forte pueros aliosue ludibrio haberi cernerem, tantum diuina in ipsis imagine capiebar, vt humi procumbens libentissimè eorum pedes fuillem exosculatus: Ecclesiæ Catholicæ veritas clarissima firmissimæque videbatur vt quæ Deo niteretur. Honorem etiam Sanctorum Reliquijs & Imaginibus habitum, necnon ceremonias quæ à Catholicis vlturpantur, plurimum prodesse ad pietatem iudicabam: Hæresim vero satanæ esse illecebram & laqueum ad incautas hominum mentes capiendas; Aliaque plura mihi tunc temporis obiecta sunt quæ præ ægritudine non possum iam commemorare. Habueram autem pridem in animo vt me totum Dei obsequio traderem; Creuit hoc tempore illa cogitatio, ac vehementissimè ad Religiosum statum amplectendum impellebar. Cogitanti verò nunc Carthusianum nunc alium ordinem, tandem magno meo solatio statui Societatem *Iesu* petere, & in ea gradum Coadiutoris temporalis de doctrina acquirenda diffidens. Perluatus deinde quòd labore & diligentia consequi possem scientiam sufficientem, eò animum appuli: Vnde protinus expeditis quibus in Anglia implicitus eram negotijs; quidquid mihi sorte euenerat in pecuniam congeffi vt in studijs mihi esset subsidio; quod nunc fratri meo in ijdem educando seruire velim; cui si studia minus ariserint, expendi volo in aliquem qui ijs vacare volet; meo enim iudicio nulla viuendi ratio Deo acceptior, aut in se felicitior excogitari potest. Equidem (immortales Deo gratias habeo) iam inde ab initio ab hac mente nunquam discessi. Scriptum fuerat Matrem nisi eam reuiferent nimio dolore perituram: Hæsi aliquantisper dubius quid mihi esset agendum; at perendie cum Misæ Sacrificio interessem, & ex Euangelio legeretur, *qui reliquerit Patrem & Matrem &c. propter me, centuplum accipiet, & vitam æternam possidebit*, animo (Deo laus) confirmato de mutanda sententia non amplius cogitavi. Hæc ille mox animam Creatori redditurus. Eterat subscriptum *Ioannes VVilkinsonus*. Additis Patrum qui aderant narranti nominibus, *Rogerij Lea, Francisci Robinsoni, Ioannis Floyd*; & aliquot etiam Seminarij studiorum. Quemadmodum igitur de re nulla potest esse dubitatio, ita viri innocentia facta esse videtur Deo dictante perpicta: Videamus de reliquis quibus eadem calumnia aspersa est.

Edwardi
Oldcorni
vitæ ratio,
& exitus.

XXXVI. *Edwardus Oldcornus* (qui & assumpto *Halli* nomine vsus est) urbem natalem habuit Septentrionalis Angliæ Metropolim Eboracum; in qua post humaniores literas degustatas Pharmacopœiam aliquamdiu tradite exerceuisset; Postquam verò annum attigisset primum & vigesimum, altiora versans animo, & ad animarum medicinam transferens cogitationem, Romam petijt, atque in Anglorum Seminario, eo quo mansit septennio, tantum in virtute & doctrina profecit, vt eius seculi Anno octogesimo octauo, vna cum *Ioanne Gerardi* in Societatem cooptatus, Tyrocinium in ipsa Insula eum accessione pietatis positurus videretur. Excensione facta, nauticæ turbæ immixtus Londinum tetendit: Et quanquam eo quo valebat sermonis lepore sat cautè dissimulabat personam ad frequentes per

per itinera excubias fallendas, proximum tamen fuit ut ab ipsis via Socijs iterum iterumque detegeretur, cum oblectana proferentes, vel in Deum & Sanctos iniuria redargueret, quo etiam ardore animi in viti Catholici ædium fenestra conspicatus indecentem Martis & Veneris effigiem pugno excussit comminuitque; indecorum arbitratus in oculis honestæ familiæ huiuscemodi versari simulachra. *Garnettus* (vbi accessit) habuit eum apud se aliquantulum: Tum, ut experiretur hominis in animorum tractatione ingenium, in non longè posita celebris Catholici domo arma spiritibus explicare iussit, ad domandam, si qua ratione posset, nobilis cuiusdam feminæ in Hæresi perucaciam, nequidquam à pluribus Sacerdotibus tentatam. Ratione diu agitur, & Sanctorum Patrum auctoritate cum verbo Dei scripto contentiente, tum constanti omnium à Christo ætatum usu atque exemplo. Quæ omnia vel ingeniosis illa Sophismatis eludebat, vel risu etiam excipiebat & muliebri supercilio, tanquam deliramenta recentius introducta imitante superstitione Religionem. Itaque aliò conuertens animum & à multo sermone ad multam cum Deo communicationem recipiens se; solitudine, ieiunijs, vigilijs & cætera corporis afflictatione renitentem expugnare aggreditur. Illa ut eum vidit die vno atque altero ab omni victu abstinere, mirari primum insolentiam cepit, tum curiosius hominem obseruare, atque vbi tertium iam labi diem impasto cerneret, & quartum succedere, & sui id causa agi intelligeret, quod obstinatione magis quam ratione abduceretur à recto, animum & aures ad ad saniora inflectens consilia manus dedit, facta deinceps Patris tam studiosa, ut sua illi & Societati cuncta permiserit; in lachrymas ex præteritæ pertinaciæ recordatione tam effusa, ut *Robertus Southwellus* cum Sanctæ *Magdalene* lachrymas funebres eleganti carmine iusto volumine depingeret, illas huic imprimis amanti lachrymarum existimaret consecrandas. Habuit deinde *Oldcornum* illa domus totis ledecim annis inquilinum, amplissimo ad omnem circum regionem fructu; ut non dubitarint de illo nonnulli vsurpare quod de *Ioanne Hieronymus*, omnes eum illius tractus fundasse rexisset, Ecclesias: Erat enim in illo rerum gerendarum prudentia quæ abundè cunctis satisfaceret, erat solertia & labori tolerantia ut nullius vnquam necessitati deesset; erat in egenos tam prompta liberalitas, ut plurimorum egestatem suâ industriâ sustentaret; ut videri posset ea domus ex gratuito hospicio in bene institutam Societatis Residentiam commutata; ut ad quam vndiq; omnis ætatis & sexus Catholici ad Sacramenta, ad conciones, ad consilium operumque concurrabant.

XXVII. Dum vero austeram illam viuendi rationem, quam ad vnius Matronæ subiugandum animum lulceperat, immoderatus prosequitur, ex rupta in pectore vena copioso erumpente sanguine. ita elanguit, ut quotannis morbo conflictaretur, neque ad virtutum firmitatem instaurandam reperiret viam. Accessit in ore malum, cui à Cancro nomen indere medici; cum immedicabile hi ponuntiant nisi exemptis ossibus quæ vitium duxisse affirmabant,

T t 3

mabant,

1606.

Expugnat
obstinatam
in hæresi
feminam
Ea erat
Dorothea
AbingtonCuratur
per lapidè
ex Sanctæ
winefredæ
fonte de
sumtu.